

習
苦
齋
詩
集

國史館列傳

戴熙浙江錢塘人道光十二年進士改翰林院庶吉士
三年四月散館授編修七月

大考二等一名升右春坊右贊善十四年轉左春坊左贊善
十五年三月充會試同考官五月丁母憂十七年服闋十
八年閏四月補原官六月遷右春坊右中允

命在南書房行走七月充

日講起居注官提督廣東學政十一月升翰林院侍講十九
年六月遷右春坊右庶子俱留學政任十月以御史焦友
麟奏陳廣敷教化整飭風俗一疏偕兩廣總督鄧廷楨等
選

旨會議奏覆略言我

朝教澤覃敷訓迪士民無微不至雍正七年乾隆元年議定各直省州縣設立講約選舉約正每月朔望宣講

聖諭廣訓地方官並教官仍不時巡行宣諭加意化導成憲詳明歷久遵奉茲該御史請督令教官按期宣講

聖諭廣訓直解自應申明明定例責成實力奉行至所稱查有習教等事准教官會縣拏究其扶同隱匿者生員連坐查教官專資訓課若兼責以地方之事恐拏究未能得力而訓迪轉致分心且恐藉此干預地方亦不可不防其漸生員則讀書明理容有任事之才然恐稍涉迂謹者雖知秉正嫉邪而實未諳事務其向來好事者甚至捕風捉影或更涉

於糾紛且繩以連坐之法更恐顛倒是非畏罪妄指其流弊不可勝言應請無庸置議抑思現當嚴查鴉片之際儻膠庠未盡肅清則草野曷由觀感是查禁生員吸食鴉片實先務之爲急亦因地而制宜應飭各教官於該管生員留心訪察如有沾染惡習卽據實舉報儻失於覺察甚或知而不舉一經發覺立予參處惟見行新例並無教官處分專條擬請

敕卽明定處分以示警惕至教官賢否不一倘其身自吸食何以能範諸生惟有諄飭藩司慎選於平時州縣訪查於就地有犯卽行嚴參如此層遞稽查示之標準庶師道立而善人多士習端而民風厚矣疏上如所議行二十年三月

升翰林院侍講學士仍留學政任十月差竣奏請回籍省親

賞假一月二十一年回京二十二年三月以父老請開缺終養

允之六月丁父憂二十四年服闋二十五年正月來京候補三月充會試同考官五月復提督廣東學政六月補原官十二月升光祿寺卿二十六年二月升內閣學士兼禮部侍郎銜俱留學政任十二月差竣抵京二十七年四月以學政任內失察年老武生入場部議降調

上加恩改革職留任五月

命稽察中書科事務二十八年授兵部右侍郎自終養起復並兩次差旋至是均得

旨仍直

南書房二十九年閏四月罷

南書房行走七月充監督馬館大臣以浙江本省水災損資
備賑下部優敘旋因病陳請開缺

詔以三品頂帶休致三十年

今上御極禮部尚書孫瑞珍遵

旨保舉人員以熙奏入

召來京聽候簡用仍以疾不果至咸豐三年粵西逆匪披猖歷
楚皖等省攻踞金陵復四出紛擾浙省戒嚴由官紳勸諭
捐輸舉行團練五年巡撫何桂清以熙勸辦出力奏獎下
部優敘又省城設局操防協助官軍經官紳等請令熙綜

司局務七年巡撫晏端書疏

聞九年以督辦出力經巡撫胡興仁保奏

賞二品頂帶十年二月賊擾浙突犯杭城偕杭州將軍瑞昌激厲兵勇士民同心守禦力盡城陷熙率家屬等死之五月瑞昌查明疏請優卹

諭曰前任兵部右侍郎戴熙在浙江本籍辦理團練及協防局務殫精竭慮任怨任勞本年賊擾省城與該將軍力籌堵勦勤勞晝夜公爾忘私嗣於城陷後從容盡節悼惜殊深著追贈尚書銜照尚書例賜卹任內一切處分悉予開復應得卹典該衙門察例具奏並於錢塘縣本籍建立專祠伊弟副貢生戴煦媳金氏甥候選訓導王朝榮同時殉難均著交部分

別旌卹並准其一體附祀伊子候選訓導戴有恒著賞給通判俟服闋後分發省分補用以示朕篤念忠盡至意尋

賜祭葬

予諡文節

敘

儒者立言貴乎不朽其所以信今傳後者原不在文詞章句之間苟考其生平窮無獨善之操出無兼善之具苟且踟躕以終其身即使讀書論古搦筆爲文洋洋灑灑日千萬言非不燦然可觀而識者病其言與行違浮夸失實方且唾棄之不暇又可以欺天下後世哉若吾鄉戴醇士先生者早登清選深荷

主知而風骨崢嶸爲時所重數受

命掌文衡士林中有珊瑚網無遺之頌先生工丹青

成廟亟賞之先生恆自矜慎不欲以縑素弋名也咸豐庚申歲粵逆大股犯省垣時先生乞休已久猶復指陳方略

力疾登陴爲鄉里樹先聲城陷之日遂從容就義奉其身以歸

國家嗚呼先生之出處死生光明卓越其殆天地之完人歟嚶幼時負笈吳趨卽企慕先生盛德恒以不獲一見顏色爲恨長而筮仕中州蹤跡益與先生相左今春乞假歸葬得先生遺集讀之精微淡遠寄託遙深絕不在尋常慧業文人摘藻揚華之列嗚呼生則爲英死則爲靈行純文粹光炳日星先生之不朽者不在翰墨而先生之翰墨愈可以不朽矣世之工於詩古文辭津津焉自謂不朽而卒之與草木同腐者夫豈能望先生之肩背哉亟爲梓而行之以志仰止高山之意是爲序

同治五年歲次丙寅八月之吉 同里後學張曜謹撰



習苦齋詩集卷一

錢塘 戴熙 醇士

澄慮

躡登太華峯下視衆山頂道遇古仙眞身披形雲影招我
來山中山中非塵境朝朝採石髓服食鍊虛靜道成化白
鶴歸訪故鄉景城市非曩時原上珠翠冷感慨念疇昔千
載一俄頃歸然亦何爲俯仰發深省

西園桃與李柔條待春發紅紫紛奇葩灼灼二三月中宵
驟雨作芳菲倏焉沒早知天地間榮華有銷歇對之一沈
吟歲月去飄忽

道左見孤松高出千章樹自謂頗挺出落落寡知遇旁有

採樵人十步一迴顧鬱彼棟梁姿能無析薪懼處身抑何
危異材無乃露不若山中卉猶得榮朝暮

入獸獸不亂入鳥鳥亦馴若猶見鳥獸豈是忘機人至人
本無爲隨遇皆等倫浸淫物自化其氣和以淳脩短非所
期此理薪傳薪時哉慎所習吾其守吾真

聽園散步

舍旁舊有池
臺名聽園

日擁書城事檢尋小園亦足空人心春來未掃林間石雨
後纔聽葉底禽靜對斜陽移竹影閒隨流水過花陰嘲風
咏月非吾事偶借清遊助冷吟

巷南晚行

隔水兩三家柴門烟樹遮綠搖深院竹紅出矮牆花曲巷

吹寒犬荒林棲倦鴉鄉村在城市踏徧路敲斜

野田黃雀行

飛飛黃雀喜切切少年悲坐視投網羅不能通一詞榆枋
未可棲送爾摩穹蒼穹蒼多鷲鳥哺花置巾箱同處天地
間安得不相關圖報吾所恥還爾白玉環

報先寺禮印梅師塔有序

師楚人年六十餘廣額長髯住報先寺爲家大人禪友
數來家自言入定頓悟相地相人諸術徧相家人咸驗
非世俗相法也熙時纔四歲出見師曰此非常兒宜爲
吾弟子遂度爲沙彌題名妙元八歲六月師冒暑至謂
大人曰翼日乞詣寺然不可攜吾弟子來再四屬卒不

言何事詣則師已沐浴更衣坐化矣衆檀越悉在蓋豫
知時至約送入龕又不欲小弟子見自相地在寺後石
中土穴正容一龕營葬後大人時率熙展禮焉

隨侍城南寺幽尋入翠微竹深通古路林杪見禪扉未證
三生石猶藏百衲衣

蒙賜僧衣猶在

佛堂鐘磬冷旃影弄朝暉

不到舊遊地於今十載寬相知有猿鳥故逕識巖巒座右
蒲團寂壁間稷拂寒雲歸無處覓窅堵隱檀栾

尊宿不可見空山如此青昔來摩詰室曾授涅槃經樹色
侵香鬢苔痕沒碣銘僧雖收梵夾話舊亦堪聽

鷺

數里青苗接釣磯西湖白鷺故飛飛回頭忽見山深處

點斜陽入翠微

小園探春

不知春信息幾日到吾家
罷讀罕人事閒情觀物華
池寒魚戀藻風定蜨尋花
却愛青黃柳欣欣傍水涯

童試詠琴棋書畫

金徽玉軫錦絲絛古調泠泠手自操
指上粗能分徵角耳中試聽有風濤
不嫌焦尾須逢蔡爲解無弦欲問陶
一曲方終誰作答空山夜半鶴聲高

雷威製作本來工况得龍門百尺桐
石上眠宜聽瀑客林深攜倩煮茶童
韻傳萬壑松風外心在一丸明月中
不識鍾期何日遇七條弦上寫深衷

玉子楸枰幾几安高朋四座博清歡古松流水聲相間清
簾疎簾局未殘竹閣茶餘僧獨算書牀酒醒客傍觀果然
黑白能分別休道來爭勝負難

不知幾道莫輕嘲今夕挑燈約素交一院無風人對坐卅
牕有月子頻敲樵夫未必柯真爛仙叟由來橘作巢歛局
悠然忘世事未須別墅賭雲均

金石畱遺迹已陳栽蕉種柿逐時新硬黃展處頗揮翰飛
白臨來更絕塵三代古文傳已渺二王習氣解何人寢憐
几淨牕明地洗硯呼童到水濱

力學常嫌手腕孱撐船上水不辭艱晉唐法溯周秦上眞
草源通篆籀間敢謂盛名容易獲從來質本要先刪自慚

急就章無幾只爲匆匆未得閒

一幅吳縑手自披雲烟頃刻詭神奇祇看堂上生楓樹不信胸中有竹枝落筆縱橫方入妙解衣磅礴未妨凝流傳粉本今猶在誰悟前身是畫師

紛紛精緻更豪麤索驥知誰肯按圖名士恐遭當世疾笑人愁被俗工誣總緣賞鑑不常有若論丹青何處無認取一枝摩詰筆芭蕉幾葉雪中枯

夜遊虎跑

晚景入高林蒼烟起遙岫披衣乘夜出涼月白如晝幽人喜蒙密避月入松竇月來尋幽人清光松下漏舉首忽見月松影滿身瘦石磴結趺跚蹢躅聞寒澗

古藤若龍蛇天矯松上絡山風起洪濤藤子中夜落迴顧
所來徑峭壁勢如削俯視下深黑知有千尺壑身在萬松
顛欲化呬空鶴寺門扃不開歸途望飛閣

種竹貽同學

屈指欣逢竹醉時數竿新向比鄰移多君高節能相友對
我虛心寂可師徑爲讓根添曲曲人緣等笋去遲遲可能
添得三分水清影蕭疎寫碧池

檐牙牆角韻颼颼玉立亭亭看漸脩一院曉風牕上月半
簾夜雨枕邊秋得新須勵雪霄志念舊應懷鸞鳳儔他日
濃陰千畝徧竹萌好爲主人酬

閣夜

高閣坐深夜憑欄清興增秋風蘆溆雪夜雨竹樓燈宿鳥
呼叢樹寒螢聚古藤前山孤磬發雲外想歸僧

步出東門外

步出東門外秋江接暮天遠帆移夕照獨鳥破寒烟曠望
連郊野閒行度陌阡歸途更容與樂歲話高年

曉臥聞雪

雞聲纔覺到衡茅冷入袁安布被均僵臥不知牕外雪東
風吹上早梅梢

雲林僧雪中送笋至

看雪起開扉山僧雪滿衣贈春疎驛使參玉悟禪機行脚
衝寒到駢頭破凍肥寄懷牕上竹今夜月增輝

閒居

歲云暮矣灑掃庭戶焚香煮茗讀陶詩罷卽步小園深
竹中遲同學謝穀堂

家禾

不至述此寄之

媿余不知耕安居食有肉一卷陶公詩蕭然嬾幽獨手錄
南牕下卽就南牕讀我門風爲關門外雪撲簌對雪重開
卷窺牕見脩竹俯仰若有得茶餘蒸黃熟

高吟吟未已披衣出門去我行本無定叢筍忽夾路野梅
尚無花山茶偶一遇坐待寒鳥歸徘徊未能去故人風雪
中獨立當有悟

穀堂同塾四載相得甚歡今歲將去爲童子師別之
不可賦此誌別

嗟予素寡儔遇君惜不早追隨今四載相資期永好忽聞
將去茲怒焉心如擣此去非君意別予殊草草憶予初識
君中腴外若槁終日抱遺經危坐事幽討艱澁思旁通亾
逸務博攷而予觀大略有作真獨造自謂得竒葩君乃出
速藻洋洋走干言紙盡筆猶掃根柢君寔深天機予亦祿
瑕疵雖互擿得雋共傾倒此樂可終身投贈輕紅縞何意
爲饑驅初心不自保熒熒失依倚戚戚傷懷抱幸非泰山
神一舉歸蒼昊離居而同心去去勿復道

憶夢

曉色微茫裏倏遲度隴坡露增芳草色風旋落花渦

夢中
有詩

醒記

此語獨往水邊立長吟林下過夢回渾不信彷彿見坡陀

友人索賦蠶詞

鳴鳩初拂羽毛長
忙月從來說水鄉
社鼓聲聲喧白晝
小姑新拜馬頭娘

未過穀雨祝三眠
細紫鵲翎趁暝天
不雨不晴嫩紅日
家蠶子曬門前

牆角柔桑綠意稠
猜疑葉價費綢繆
阿儂愁長還愁落
生怕多愁却善愁

紛紛占箔已多時
鎮日扃扉却忌誰
祇有一雙新燕子
呢喃猶向隔簾窺

夜來相守問如何
幾盞明鐙聽漏過
恠底子規啼徹曉
不知門外柳花多

爲喜今年絲倍昂
縑車響處晝初長
人家門上餘紅帖
春雨春風已淡黃

暮歸

回首高峰遠
行行野水濱
小橋花送客
曲徑曉隨人
燈火林間寺
笙歌郭外邨
歸來坐深竹
風月一閒身

靜夜納涼

小榭牕疎三面開
菱荷香裏重徘徊
花深一鳥避人去
水淺羣魚噉月來
瘦竹書空凭石磴
叢蕉舞影立牆隈
生平性僻耽閒靜
獨立微吟步綠苔

宿靈隱

山重嶺複勢紆回
遙見禪扉樹罅開
一路笋香尋竹到
滿

身松影問泉來。晨鐘暮鼓清塵慮。碧瓦紅牆認劫灰。時方被火
更向翠微亭下望。崎嶇不遣老僧陪。

冷泉亭觀雨

雨從何處作。風忽挾之來。秋氣已如許。泉聲亦快哉。瀑飛
危石動。溜急湮雲開。獨坐遂忘返。蒼然暮色催。

聽雷道士談峨嵋歌

成都道士雷其姓。自謂遨遊出天性。昨由峨嵋渡錢塘。幅
巾方袍揮塵柄。是日雲林飯千僧。道士適與頭髯髻飯訖。
敷坐談所歷。蜀人說蜀信。有微峨嵋之高。高無匹。絕頂千
盤計。旬日就石鑿級。鐵施纜。攀以兩手行。以膝直下。萬丈
雲冥冥。飛瀑不見聞。雷霆朝饑口。齧太古雲。夜臥手摘三

垣星縹緲時現金銀闕遙矚飛仙勢飄忽褰裳欲往嗟無
由未有金丹換凡骨神仙有無不可知習勞得壽則有之
吾師年正九十五百三十六師之師吾今年亦六十六去
歲辭師發天目擔簦躡屨走風雨身行萬里不宿宿燭殘
語息猶不眠仰見明月停中天夜靜松聲四山起恍然坐
我峨嵋巔疑君卽是飛空仙

鄉試聞報

清絕三更正下帷化書一卷讀移時

是夕讀譚子化書

驚心消息

爭先到信手文章轉自疑早歲熟聞程子戒慈親故作塞
翁思傍人笑擬當場景新婦經年忽抱兒

初試春官家大人攜行

十步必動問百步若已遺撫字二十載父母不能離去歲
就秋試聞報心頗怡轉瞬赴春官載謀復載惟阿母意不
釋懼我無所知數數語阿父聞父力勸之亟欲釋母意父
意轉遲疑謂當攜爾去慰爾父母思嗟我未入世蒙昧猶
嬰兒榮華非所及科名將何爲徒以四方志有弟不敢垂
父前母後送竟解扁舟維

出關

春水路彎環登舟出北關迴看新柳岸無限夕陽山城郭
人烟外程途客話間拱辰橋上望幾點白鷗閒

舟中待月讀王摩詰詩

渺渺寒塘路中懷傷于役兩岸夾青蒼輕舟指林隙稍渡

綠楊洲遙矚漁人宅燈火稚候門菱笠叟歸陌月出蒼烟
開太湖接天白好風從東至纖雲弄寒碧一卷畫中詩巾
箱伴行客無以寫離憂微吟坐遙夕

月夜舟過含山下

清磬不可聽滿山松色寒無人烟月上孤棹撥微瀾梵剎
通幽逕漁舟隔遠灘沽春渺何處璉市一燈殘

元夜二十初度在姑蘇舟中呈家大人

此地故鄉月照人今夕同恍聞慈母語遙憶抱兒年燈火
誰家院笙歌何處船一時能破寂藉慰客心懸

曉登太平興國寺塔還至天甯寺觀蘇文忠公金剛
經刻石

平明展腰脚拂衣霜氣肅古塔凌蒼蒼拾級多盤曲本非
曠士懷聊舒眺遠日原隰紛縱橫邱墟相連屬烟霏接混
茫遠山勢一束日出深林間峰峰淨如玉遙見林杪剎歸
路訪金粟入門鬱杉松斜徑間花竹精廬靜猶扇疎鐘斷
復續壁上舊碑碣拂拭尚堪讀坐久不逢僧樹影上階綠

登北固山望揚子江

北固峰巒氣象尊登臨俯瞰大江奔潮兼風雨吞瓜步浪
湧金焦出海門向日孤帆空際杳接天平楚望中昏黃河
泰岱何時見奇絕茲遊合其論

寄家書

辭別亦未久幾經行路難萬言空瑣屑二字了平安莫憶

八千里同看月一丸凌晨當早發理楫待江干

曉至瓜州

水樹微茫外烟波接畫樓笛聲何處起殘月落瓜州回首
生遙憶開懷亦勝遊荒雞聞隱隱邑聚暫停舟

登陸後家大人迴舟至金壇縣

舟行不計程遂抵河之涘我父將他適心念遠遊子瀕行
遲不發顧謂吾觀爾于役未云勞頗能輕千里同車屬提
攜陸君序茲哉吾返矣重謂涉世法事人先責己謙和而
寬廣失一吾所否又謂干科名得失當齊視幸勝固欣然
敗亦可喜耳獲歸無畱滯爾母倚閭俟驪駒條在門伏拜
含泪起瞻望不可及迴舟想猶艤

夜經大谷崖

太山一毫芒大谷少表見咫尺不相睹夜深忽當面拔地
挺千仞與天青一片驅車碾礪盤回勢欲旋飛蓋時輕
軒參乘相後先輪怒雷奮擊石裂火驚炫直上最高頂耳
聾目亦眩仰摘明星煌下聞寒瀨嘯林禿攫熊羆沙明耀
珠鈿是夜黯無月霜花密如霰狂飈礪礪飛大霧軒轅戰
平碧辨原野深黑失郡縣仄坂不容轂欲注馬猶戀失勢
忽一落有似弦激箭到此人力微不覺生命賤下崖日東
生雲氣忽又變

蒙陰道中

驛樹圍山縣重關帶夜岑春風吹客夢殘雪過蒙陰三唱

荒雞徧五聲寒漏沈長安千里外蒼莽亂峰深

雨

頑雲積不散驟雨倏已淋四望若無路滿目皆愁雲烟新
幕遠野霧重遮遙岑高隴起臥犢遠邨急歸禽行裝沾濡
盡惡木安有陰逆旅幸客累問訊多尊暗鄭重陳蕃榻微
薄蘇季金何曾窘下箸杜陵歎溼衾渺矣長安路苦哉遊
子心入夜更問絕聽耳多繁音中止勢益倍聽久聲愈沈
向雨再三語祈汝毋爲霖

雪

雨落昏未已侵曉復兼雪風聲若怒號樹影半明滅揮刀
雲不開驅車路又絕地溼積易消天寒凍欲結前山接混

茫向空辨纖屑遠遊良獨難所遇多兀艱土人正欣欣蝗
蝻翦萌蘖

趙北口題壁

故國三千里春風十二橋泥人惟岸柳不折也魂銷

出都

桑乾河外路漫漫帽影鞭絲跨短鞍回首觚稜無可戀還
家不比去家難

盧溝橋口占

綠楊影裏望天涯對此如何不憶家永定河邊無限月匆
匆一望便登車

轅馬歎題驛壁

輓馬輓馬爾何不幸牽車泰山下泰山一何高牽車一何
勞三日上道皮肉盡瘦骨杈枒摩兩靨摩兩靨血模糊卽
當鈴鐸走長途鞭絲搖搖攘其臂車蓋一軒復一輶攢蹄
奮鬣越重岡夜半呼聲動天地山邨日落風蕭颯解鞍入
寢聞哀號枯荑醫盡苦不飽強者乃復爭其槽我爲爾歌
爾當傾耳吁嗟乎壯心那可已會當一日走千里

古槐行

道傍高槐勢盤曲碎花零星綴如粟客來繫馬夕陽街滿
身濃蔭鋪方褥濃蔭沈沈生晦冥兔耳微黃鼠耳青十樹
五樹昔年堠一株兩株誰氏廳滄桑轉變無人誌枝盤鳥
雀柯穿蟻劫燼餘灰知幾時小碑已蝕隋唐字野徑蕭蕭

風色寒摩抄擬議龍蛇蟠誰云材大難爲用漫摘槐花仔細看

游岱廟

嶙嶮積經旬羣山以萬計忽擁岱廟出突兀殿角銳憑軾
入泰安山店日未睨衆言易一遊出門共牽袂風沙漸蕭
索叢薄多虧蔽仰見青雲間金碧逞奇麗古木衛棟甍積
石鑿階砌高閣豁軒敞密戶鬱陰翳中峙駿極殿威赫坐
青帝虎賁秉長戟龍女披輕毳道人說眞形山童從小憩
導觀古畫壁流傳逾百世復示大玉圭煥寒判兩際足息
興益鼓苦茗未及啻再觀殿後山奇崛相附離薄雲斷猶
靚新霧嫩若脆松撐搏人拳石作攫鬼勢羸秦沒字碑苔

蘇成篆隸漢柏焦其尾臂見驚欲噬疑定目尚眩歸夢語
成嘆長嘯登天門風雲生佩拂遙見仙真下我我盪高崕
長跪問丹訣授我金丹細魂悸起長嗟斯遊何時繼

途中雜興

歸途如啖蔗佳境日相宜山塋遙增翠塵揚漸不淄柳絲
風外裊麥穎雨餘垂自覺勞勞慣尊前一展眉

邨路依田曲山城繞石過橋長跨野岸塔壞出巖阿落月
荒城遠殘陽斥堠多明晨當早發中夜問如何

炊烟曉易迷啞啞早鴉啼露重花香棗雲深葉暗梨矮槽
聽馬齧高屋見雞棲聞說前途坦最宜新鑿曉

平林時淡沲纖縠亦空濛惡雨催歸鳥斜曛睨斷虹雲光

分向背霽色變西東爲探陰晴信頻占早晚風

百里見旅店孤邨依老槐籬疎沿陌插扉破面山開臥積
看人過歸驢負糶來縛蘆棚底坐無事且銜盃

廳鑿泥塗壁檐支曲木椽門偏容駟馬院足展長鞭燈穗
棉繩續牀杠草帶穿殘盃冷炙一飽竟酣眠

寒暑天無定肥磽地不同古風山縣在時物水鄉豐清話
樂莫樂倦遊東復東未歸先快意指日坐烏篷

義羸行

出都車下一羸一馬至富莊驛死
羸爲哀鳴不食者數日作此記異

驅車出都門蹇羸兩耳銳轅前繼以馬頗不受控制質性
雖各殊用力實相濟隨行如兄弟險阻能防衛常見附耳
語同心若勉勵上道未幾日小駟忽焉斃行旅安得帷草

草垵中瘞迴顧轅下羸哀號若有涕空廢不忍入躑躅向
階砌枵腹睨生芻獨立若先祭向人再三鳴欲訴不能細
嗟爾物性微尚克懷遠逝寄言翻覆交此語非余贅

羊流雨

劉城城南簫鼓摧雷君裹糧從西來曉氣日鬣射金鎧
倏忽倒行沈光彩五色舞衣不耐寒小魂夜哭歸西海羈策
勞勞銅骨聲水中之馬重行行衣上白雲揮不去手持車
柱覓秦樹羊公古祠如有人竹鞭遙指迎輕塵卸鞍雨歇
天新浴北斗闌干倒酤醪清宵獨客愁不眠古壁慘淡燈
花綠

高郵夜泊

暮雨條已霽鄉夢醒遙夕起坐挂西牕蒼茫遠天碧水國
翻荻蒲微聞棹歌拍不見烟中人夜深江月白

渡江中流作

浩浩長江水中流風日閒潮移瓜步樹天接海門山擊楫
曾爭渡揚帆又喜還行蹤不可覓彈指去來間

拱辰橋口占

半載離鄉易思家一刻難匆匆爭渡急心已過前灘

香林齋詩集卷之一終

九月廿三日讀詩集
香林齋詩集卷之一終

習苦齋詩集卷二

錢塘 戴熙 醇士

宿天香閣聞雨

一徑入蒼蒼柴門隔女桑危樓瞰遠水古碣臥殘陽石瘦
筋多露松低鬣不張夜來山雨作庭桂漬餘香

曉霽至閣後

一雨灑然霽曉來雲未回秋山瘦若病古塔醉而穢聞說
清涼界深藏烟樹堆尋幽時獨往小步到林隈
佛殿苔生瓦僧厨竹護門簷低花不礙壁斷溜成痕欹桁
依藤蔓斜坡借樹根遙山淡如此相對兩忘言

立春日坐紅梅花下作歌

紅梅花開向花語去年君開我先去綺閣畫廊空自閒雪
點征衣亂如絮北風蕭蕭寒入骨清尊曾醉梨花月酒醒
詩闌頻憶君歸來無那春銷歇今年春早破臘殘綠苔枝
上紅椒攢咒君開盡莫畱戀笑我與君會面難我將舍君
遊長安

大雪難行舟次北關

東風畱客到凌晨贈別憐渠一段春寄語家人莫相憶今
宵猶是故鄉人

雪霽看臨平山

舟行快清曠日對寒林臥仰見臨平山緩緩牕隙過微茫
辨欲無峰尖雲忽破雪光照眼明迴顧落日大漸覺陳霧

開裝笠見一个舉手欲挽留輕舟去無奈薄暮發高詠命
酒聊一作亦足慰鄉思中流且穩坐

宿石門縣

遠樹隱孤城濛濛雪乍晴微風吹月上隔浦細波生覓句
邀同伴離家共數程深宵莫就寢短夢最淒清

雪霽遊獅子林聯句

奇境不在多

吳希

所取惟險絕昔登蘇門舟

戴熙

未及松

園臬約伴春初遊

許乃裕

共赴夙願切躡足濺泥瀕

熙連

袂互提挈園丁導行筇

珩

遠客覓故轍雲封添盤紆

裕

釋露岷嶠地窄勢鬱怒

珩

水曲聲嗚咽跨磴煙霧改

熙

洞氣候別杳然石樹隱

裕

豁若眼界裂咫尺迷天梯

熙

怪劈地穴豕腹脹頤洞珩鬼臉幻凹凹挂星千乳垂黑割

雲一片截盪胸變與曠裕誑目弄詭譎日罅寸碧補珩煙

梭遠翠子石髓風未凝黑山口月纔缺樹撐夜叉臂裕泉

漱廣長舌禿柏褪古黛珩病松支寒鐵幽鏡照面頰黑脩

紳誤手扶遠堦卓霄漢裕迴闌駕虹蜺藤蔓驚蛇蟠珩松

子看鼠竊巖阿不可窮黑展齒何惜折勢拘一步窘裕眼

饑雙足少仄徑省以深珩危亭圯猶設花石忽然暝黑坐

嘯聊以悅巘岩極勾畱珩煙霞轉飄瞥三墮復三登裕九

曲疊九折如入魚腹浦珩神祕八陣泄如注羊腸坂黑天

險五丁掣如李愿盤谷裕鬼神競羅列如柳州西山珩熊

罷肆嚼嚙或如蝸旋房黑或如螳穿垤或躋如猱升珩或

僂如蚓結始知一尺天百怪幻不竭稀又如頃刻夢萬事

得盡閱依木相牽連熙印苔恐傾跌歸途忽平坦衍想像

猶兀踈倪迂曾手圖熙米顛遺衽顧曠代邀今古衍真蹟

惜磨滅獨此異境存裕猶挺高士節不覺身入畫衍絕勝

口授訣高懷波濤翻裕奇句日月揭解衣座上歌熙把酒

燈前說茲遊亦偶然衍鴻爪印殘雪熙

春餅卽席聯句

綺節逢上元衍春筵快說餅白哲人面團熙赤陽日脚永

染指瓊屑飛裕滑笏麥光冷撫月繪冰輪衍窺天府金井

璧合了無瑕裕鏡拭若有影如蓋裏碧蓮熙似錢鋪白苧

映愛字可書衍畫笑筆徒騁膾細捲千絲裕非嫩剪雙顰

玉軟一搗香

熙

雲薄百疊併瘦籜儼篁苞

和

圓筒效籊乘

老饕慰齒牙

裕

大嚼空盤皿轉瞬宴紅綾

熙

同簪

御園杏

琦

觀慧山殘雪

一幅殘雪圖寫向晴波裏不遇范華原此景空復爾

觀慧山塔燈限燈字五排十二韻同吳我鷗作

一片光明界高寒寂上乘遙峰雲擁塔永夜雪迷燈水湧
金蓮燦霞舒寶樹蒸燭龍鱗甲動蠟鳳羽毛騰徹海懸珠
串擎天挂玉繩熒熒星鬬角面面月生稜纓絡垂千穗珊
瑚矗七層九霄青眼豁萬點白毫凝鹿苑曾抄錄魚山合
住僧鏡芒疑電閃鈴語想風磨遠火桅相映空花筆欲浚

何時同結社抬級快先登

原作

仁和吳 珩 我鷗

上界鐘聲寂名山夜色澄
華嚴瞻寶塔智慧簇珠燈
朗奪三宵月寒懸一盃冰
風高銅鳳翥烟繞龍騰珊
樹擎千尺金蓮湧七層
茶毗丹靄射舍利白毫凝
功德人天徹光明頃刻增
九枝飄絡索八面燦觚棱
法炬驚棲鷁品芒攝化鷹
施壇恩梵客藝桂定禪僧
輝定雞園借階期雁路登
干雲懷綵筆鬪談我猶能

過金門牖

江氣逼面寒遊子掀篷望
桅檣蔽金門石鑿壘壁狀
雙壁斗然立水怒石不讓
大舟當其喉橫亘相扼抗
小舟緣其

隙歌側務依傍千艘爭一門衆目盡東向呼聲忽加倍舟
子力俱王氣已前路吞纜繩苦不放坐使日車行兀兀各
惆悵薄暮雲又變驚風挾駭浪天色暗如鐵青霧靦面障
雨細春燈昏月黑龍湫漲寒濤受約束入夜聲益壯銳意
久已倦瞥見舟在上相顧盡失色問訛語多証喧聲漸覺
遠猶見舵尾仰移舟泊斜岸遠矚孤帆颺蒼蒼對平林歷
歷橫遠嶂快意來朝程一瀉千里曠

渡江

遠水平如席遠山高於枕江水吞天來羣山赴江飲江樹
排圓薺江雲浴爛錦橫江翦一帆削耳風凜凜迴望海門
烟日出金波淪

題畫

紅尾驚看小鳳拖輕身飛上碧枝柯却因妒煞安榴色一點斜陽入翠窩

高吳橋夜發

夢破不可續出門霜未闌月高星影瘦泉凍石棱寒別緒車輪轉詩懷行路難五更風力勁漸覺客衣單

途中雜感

春風吹客子閱歷舊山川月又盈三五程教數二千卽看今夜色猶作故鄉圓那不吟懷動巡檐獨聳肩輕駕雙輪疾平隄一道斜棠梨深巷樹藤蘿斷垣花投宿知何處停車又此家匆匆肴饌列咬菜舊生涯

一樣花朝過關情客裏春麥苗齊界井柳脚半成人欲覓
紅難得幽尋綠未勻何堪孤館宿草草度芳辰

風捲雲陰動山圍地勢圓五家攢小屋百畝望平田淺水
鵝兒柵斜陽驢子鞭行人看不厭飲馬試投錢
驛壁時畱畫郵筒盡貯詩標題尋舊迹倡和換新詞碧血
埋荒草青苔篆臥碑幾番搜索後自笑客情癡

弘恩寺松蓋行

古寺松蓋陰冥濛入門兩耳生天風日車不到燭龍死黑
壓古徑青庠空我來春初葉正茂尚餘殘雪堆頑銅須臾
衆松向人吼影上敗壁迷青紅或抱或倚相偃覆枝外蒼
鬱中玲瓏松子粲粲星點墜濤聲夜與天河通欲雨不雨

雲下垂仰見一隙天
熊熊我疑黃虬昔遺卵
鱗爪竊身非天工低頭不敢訴
眞宰苦戰但決雌與雄
是何天矯逞奇偏不受鬼神雕琢功
大行之雲涿鹿霧乃與此松變化同
遊子息熱暫憇此目眩不復知
西東苦心不敢歌猛虎其奈道旁車
隆隆僕夫催程太倉猝我爲浮名纏
其胸安得朝服茯苓幕餐脂手控白
鶴凌蒼穹

舟中望金山

江氣遙連北固雲
樓臺金碧射朝氛
一枝塔影隨人渡
兩面山光對岸分
座上風流蘇學士
人間圖畫李將軍
近來好手還能否
我有生綃細澱紋

夜泊虎阜聞笛

姑蘇城外烟花繞清夜沈沈人語悄笛聲一片下樓來似
有離人訴懊惱懊惱愁儂那可聽呢呢幽怨寂忪惺殘釭
照睡銀花落獨抱衾裯永夜醒永夜頻聽聽未足更闌人
靜猶橫玉吹來斷續不分明應是吳娘新譜曲一曲初調
音尚微忽聞悲亮韻猶稀涼飈散入清空去清空淒響隨
雲飛聲聲絕調知誰共新詞唱罷還三弄月淡風尖思惘
然一聲驚破梅花夢此時風景幾人傳此際家山隔水烟
無端惹起離愁思坐對星河耿耿天

城東買菊

今歲苦霖雨城東菊猶活放步喜閒曠入望秋光濶紫白
兼丹黃徧栽及盎鉢園丁誇妙手絲繩相逼移夾以短竹

枝護根土一撮萬物各有態拘攣生膠轄買歸釋其縛使
我心神豁

苦雨三首用少陵秋雨歎韻

壁傾屋漏簷板墮巷陌路斷苔色鮮堂下積水波瀾瀾波
上滴雨渦如錢昨聞田禾新告惡止有枯桑死猶立蠶娘
束手田父嘆眼望青天向天泣

梅雨以後纔紛紛十月未散秋初雲倦耳眩目二百日昏
旦晷刻誰能分田舍荒荒晝陰黑牀牀溼盡那可息明朝
米價不可問但畏倉空敢論直

敝衣破襪詎堪數入門何有但存堵况復波濤打衾枕潺
潺清泪多於雨豈獨噉飢將號寒古來循吏良獨難嗚呼

救荒本非策惟願日出星辰乾

夜坐

雲散星暈白簷溜語不止細風穿簾隙屑屑激人齒清寒
夜深劇漸覺侵案几挑燈更長吟支坐未忍起莫復歎苦
雨明朝晴景美

樓居偶成

雞蟲得失那能知終日樓居覺太癡矮壁畫圖張殆徧小
牕燈火睡常遲偶拈險韻不嫌窄亂抹狂書每好奇却倚
高櫺看天碧微吟又到夜分時

題畫

青山淡如影月落涼雲合隔橋秋水明沙岸風颯颯曉鍾

破霜來遠見林間塔烟際不逢人寒空鴉語雜

題橫畫

雨後疎林漏夕陽波痕嵐影動秋光如何隔岸人歸去一
任西風觸野航

題雲澗聯吟圖

雲澗聯吟圖者羅君鏡泉孫君子勤徐君少薇聯
吟其地而圖之也少薇名暉暉子年友昨歲歿於都
中予題此圖卽以挽少薇爾

羅君雅癖耽林邱孫君徐君從之遊徐君與余契最投生
小英銳非凡儔當時高軒來

皇州才人忌之皆如讐矯矯孤鶴昂其頭我獨一見開雙

昨蛟螭螻蛄漫不收有似韓公驚崔侯各抒胸次剖冥幽
旁人大笑徒螭鳩自君贅如我歸休故人不見垂兩秋傳
聞臥病蓋有由一旦魂去妻孥畱親朋盡哭來相賙荒荒
古剎羅衾褐聞少薇養病蕭寺卒以不起我知此事氣結喉欲見不得
夢寐搜迄今披圖風颼颼蕭蕭草屋林木脩中有故人相
唱酬撫視再三涕汨流澗上寒雲變作愁

燈下畫雪竹

開牕忽見雪光寒便起挑燈寫數竿今夜此君應憶我明
朝蠟屐早來看

曉起畫竹

曉起探梅梅未開頽然小坐竹根苔回頭忽見藤蘿壁清

影蕭疎便寫來

盆蘭

芳蘭有幽意書案却相宜
焙土黏根細沙甌著露滋
曉寒人寂寂晝暖日遲遲
九畹應難覓空教讀楚詞

杏花爲雨所摧

連朝冷雨積莓苔寂寂寒花獨自開
欲放尚含先落盡可憐燕子未歸來

寒夜

哀雁叫天未寒威漸不勝大星欺月瘦
殘雪借霜凝清響猶聞柝繁花未落
燈牕櫺風颯颯擁袖一來凭

小園新霽

風風雨雨度春宵珍重新晴過短橋柳絮黏衣猶自可杏
花滿地寂無聊碎萍漸沒溪廊脚淺草纔分石路腰永盡
林亭人不到如何負却碧紗寮

遊天竺寺

薄日開新晴湖上山如繪肩輿衝曉霧林風吹衣帶西行
路已盡始見樂園大殿宇生龍鱗鐘磬發天籟端莊象教
嚴清寂塵慮汰照面香爐峰蓮花與雙檜山奇不示險蒼
然隱埃壚寸尺到足底平夷變狡獪岩洞暝青葱坡陀鬱
晦靄狹徑僧意閑深谷禽語噉仰見林杪塔飛出晴雨外
始知山下人視我在烟靄倦足憩石橋清耳走幽瀨沙背
漸逼仄瀑聲初霧霈怒水堅於石穿石石無奈裴徊松篁

陰寒泉且自醺歸來尚能省俯仰若有會作詩寄山人幽境此爲最

花間偶吟

狂風戰雲吼如虎意欲放晴轉成雨淒淒切切三日餘尚有陰霾向空舞牆壁漏痕布若篆屋南積溼潤柱礎碧桃暗泣復何益珍珍柳花漸沒土幽人乘興來一遊直至花間不呼侶帽簷侵枝還欹斜屐齒著泥復齟齬殘溜欲滴未可觸好鳥亂鳴不堪數但祈天翁毋爲靈十倍春光或畱五

啓牖見月用楊誠齋不寐韻

淡淡月初上落落星可數光正影漸方昨缺今新補短檠

何煩熱飢蟲復相苦豈知一啓牖清涼竟如許

夜起見月以詩勸內子來觀

微月穿牕曳匹羅碧天如水不生波纔舒眼纔身猶賴重
擬眉痕手自摹妙句苦無人可贈良宵肯被睡相魔莫嫌
清露闌干溼更下晶簾望若何

閏七夕詞

後會前盟思惘然西風依舊上衣船昨番明月今番雨
微雨一樣心情兩樣天

莫向金盤洗蠟淚銀樓重爲曠書開今年巧要加添乞分
與男兒一半來

翠輦匆匆夜又沈重來陳迹杳難尋阿誰浪說今年勝
用王

意
詩

一月離愁那可禁

題魏石莊便面

階前殘滴靜月上驚鳥起西風颯然來雨聲猶滿耳

曉起二絕句

夜來惱夢雨初止曉愛新晴坐水牕短句忽成吟不得偷
看翠鳥立魚缸

袖底一編看未盡水雲不散更陰深模糊却又蒸成雨稚
竹攤攤漸不禁

咏鄰家樹

鄰家有高樹牆角綠陰稠瓦縫果時落簷牙禽誤投下階
些子影到枕一邊秋片葉能題句循闌繞幾周

小坐

小坐閒亭裏林疎晚寂涼
病蜂行曲檻飢鳥下空廊
蔓絡鈴兒紫花開梔子黃
嬾中殊有味且復待斜陽

金鼓洞

崖樹有石性清泉不可鉤
壁色雜青紫寒光侵瞰眺
枯草細路分立石古藤繞
凍髓滴碎苔陰風噓深竅
日落怪鳥嘯雨歇病蛩叫
陰森不能久約略領其要
出門一長吟仰首憶衆妙
山氣能化詩得句必奇峭

宿金鼓洞句日而歸略誌數語

行盤琅玕石路歧壁間遺墨尚淋漓

壁間石刻飛來野鶴左行四字相傳爲目

仙書翩翩鶴影歸何處幻迹空留碧落碑

幾日陰寒覺秋老烟開約略數霜楓來青室裏蕭蕭夜人

自築小閣顏其額曰來青室落葉初敲一片銅

夜話朝眠起寂難白沙泉水味清寒飯餘睡足渾無事新
借丹經試一看

倚徧迴廊覓小詩蒼茫晚色更能奇歸來欲畫還停筆十

日看山十樣眉

山中風雨明晦往往頃刻變幻也

不眠

癡坐深宵欲起遲布衾無奈五更時不眠况味教書遣此
夜心情問影知撥墮燈花渾欲語磨濃墨暈未成詩西風
寂攬人愁思簾幕頻開却爲誰

爲魏滋伯

謙升

畫湖墅八景題其花圃曉鶯一幅

南園昨夜雨清塵楊柳梢頭些子春如此花香好光景可
能著個聽鶯人

題畫雨

傾盆雨打楸頭船日日蓑衣帶溼烟溪水漸深溪岸淺今
朝楊柳壓人肩

花朝獨遊

雁齒橋東石路西瑣牕深處隔棠梨苔茵細換鋪猶窄柳
髮纔垂翦未齊

山茶經雨吐新紅細草芊芊路似弓踏過長廊渾不語薰
人春氣是微風

樓頭燕語太匆匆幾幅春旂也是紅却怪花朝好春色二

分齊付雨聲中

題畫

奇峰仰雲表虬松付烟靄
山人盡日對嘯咏落天外

雨後至小園有作

閒房黯淡閉青苔
經雨梅花懊惱開
隔院無人門自掩
離新笋過牆來

獨夜

瘦影棱棱太可憐
殘釭剔盡不成眠
畫樓深鎖簾低下
消受酸風冷雨天

湖上

踏殘泥淪路彎環
樹杪行雲去復還
杜宇催人渾不解
要

當看殺雨中山

好風吹散雨絲絲
新長菰蒲葉半垂
何處綠陰維艇子
却將繩繫柳腰肢

闌干高枕院牆紅
拂拂輕衫趁晚風
樓上夕陽無限好
如何歸去太匆匆

初夏雜興

薄日橫牕晝掩門
生憎嘯鳥喚詩魂
起來未試新茶味
先向菖蒲拭露痕

磁盃新水注些些
小硯團圓月樣窠
飯後抄書纔罷却
晚涼閒畫折枝花

雨過閒階五月秋
袷衣團扇也風流
晚來記得今宵月
滿

地抽身獨上樓

自鈔新曲自吹簫字譜橫斜拍未調更向月邊隨意弄那
能閑過可憐宵

夜涼惟有太慈生剔盡樓心短短檠重挂西牕看月落亂
螢細數不分明

題畫扇

夕陽下西樓青山細於髮遙遙江上帆冉冉天際沒

靜夜思

沈沈夜色暗庭除嬾散情懷付短噓怕啓新詩雙袖底漸
稀寒柝五更餘離魂惱亂惟思睡倦眼瞢騰却戀書坐久
閒牕微月上月斜牕冷更何如

題畫後二絕

几上爐香淡欲無，重簾低下簟橫鋪。
睡餘何計銷殘暑，畫幅清涼世界圖。

要覓清風遠曲欄，將來小硯綠牕安。
著些新水微研墨，便有涼雲蘸筆端。

咏秋葵美人蕉二絕

翩翩瘦影最風流，額上新黃淡不收。
一夜涼颼動簾幙，却憐病態未禁秋。

偏反翠蘿護花身，一簇腥紅照眼明。
從此學書翻舊格，瓣香合乞衛夫人。

畫扇

野竹清寒生晝陰晚來山色楚痕侵
秋溪漲後無人泛細雨涼風汀草深

聽雨

據案微吟興最清殘燈黯黯又三更
起看簾額月無影臥聽瓦溝秋有聲
涼氣漸侵書帙潤溼痕微漬紙牕明
小樓難得夜深雨拚却詩成夢不成

秋雨沈沈閉門却掃畫闌書倦率爾成詠

西風捲却幾重茅簷滴殘零積一凹
雨後嬾花侵短草秋深病葉戀危梢
下帷兀坐不嫌寂把卷流觀還復拋
可有新詩能寄興未須著意苦推敲

觀李檀園所畫屏障

遠樹沈沈溼不分數峰勃勃湧新雲與君一樣銷魂處君
爲西湖我爲君檀閣題畫有一至段橋
堯銷欲死之語故及

聽雨有感

樓低簷短如舟裏夜深雨急風不止袖手讀書口欲噤且
聽篷背臥篷底夷然就睡伸兩脚軟絮重衾如潑水平生
此味得最多已慣江湖作遊子當時聽雨苦憶家那解今
宵亦有此方知苦樂本自擾誰能齊物惟有耳懷此耿耿
不復寐但聞惡陣打牕紙天明風靜雨亦歇閃閃鼃燈瘦
欲死

漫興

竟日高齋坐閒牕獵獵風天陰詩硯潤春暝印泥融小几

纔盈尺殘書不論叢清供能自適也合付吟筒

習苦齋詩集卷之二終